

I - ARABAKO BATZAR NAGUSIAK ETA ARABAKO LURRALDE HISTORIKOAREN FORU ADMINISTRAZIOA

Arabako Foru Aldundia Iragarkiak

LURRALDE OREKA ETA LURRALDE ANTOLAMENDUAREN SAILA

Argitaratzea administrazio elektronikoa kudeatzeko tresnak erabiltzeko Arabako Foru Aldundiaren eta Arabako kontzejuen arteko lankidetza hitzarmena sinatu duten Arabako Lurralde Historikoko toki erakundeen zerrenda

Lurralde Oreak eta Lurralde Antolamenduaren Sailaren egitura organikoa eta funtzionala onesten duen Foru Gobernu Kontseiluaren urtarrilaren 30eko 1/2024 Foru Dekretuaren 8.m) artikuluan xedatutakoarekin bat etorriz, Lurralde Oreak Zuzendaritzak berariaz du esleituta toki erakundeetan teknologia berrien erabilera bultzatzeko eginkizuna.

Autonomia Erkidego Osorako Erakundeen eta Bertako Lurralde Historikoetako Foruzko Jardute Erakundeen arteko Harremanei buruzko azaroaren 25eko 27/1983 Legearen 5. artikuluan jaso da aldundiaren gai horretako eskumen araubidea; hain zuzen, foru lurraldeei eskumen eskusiboa esleitzen die toki erakundeen laguntza eta aholkularitza teknikoan.

Estatuaren oinarritzko araubideari dagokionez, Toki Araubidearen Oinarriak arautzen dituen apirilaren 2ko 7/1985 Legeak 36.1g) artikuluan ezartzen du Arabako Foru Aldundiaren berezko eskumena dela administrazio elektronikoko zerbitzuak ematea 20.000 biztanle baino gutxiagoko udalerriei.

Sektore Publikoaren Araubide Juridikoaren urriaren 1eko 40/2015 Legearen 3.2 artikulua xedatzen du administrazio publikoek bitarteko elektronikoen bidez izango dituztela harremanak beren artean, haietako bakoitzak hautatutako sistema eta konponbideen elkarrengarritasuna eta segurtasuna ziurtatuta. Aurreko lege hori garatzeko, martxoaren 30eko 203/2021 Errege Dekretuaren bidez, onespena eman zitzaion sektore publikoaren bitarteko elektronikoen bidezko jardueraren eta funtzionamenduaren araudiari.

Azkenik, Toki Ogasunak arautzen dituen Legearen testuategina onesten duen martxoaren 5eko 2/2004 Legegintzako Dekretuak zortzigarren xedapen gehigarriko 3. puntuan xedatutakoaren, apirilaren 27ko 2/2012 Lege Organikoak ezarritakoaren eta Euskal Autonomia Erkidegoarekiko Ekonomia Itunaren Legeak 48. artikuluko bosgarren paragrafoan jasotako subrogazio klausularen arabera, foru aldundiek izango dute eskumena, bakoitzak bere lurralde eremuan, toki erakundeekin hitzarmenak sinatzeko, aipatutako toki erakundeen ekonomia eta finantzen, kontabilitatearen eta aurrekontuaren kudeaketaren barneko kontrola eta fiskalizazioa egiteko ardura duten organoen autonomia eta eraginkortasuna indartzeko.

Arabako Lurralde Historikoak tresna informatikoak eman dizkie etengabe Arabako toki erakundeek joan den mendeko 1980ko hamarkadatik aurrera, erakunde horien barne kudeaketa egokia egiten laguntzeko. Erakundea eta kanpo harremanak garatzeko prozesuaren berezko zatigisa, 2011. urteaz geroztik, aldundiak administrazio elektronikoko programak jarri ditu udalen eta kuadrillen eskura.

Foru Aldundia 2021ean hasi zen Araba Digital programa bultzatzen, zeinak helburu baitu lurraldeko administrazio publikoen lan egiteko modua eraldatzea.

Horretarako, Foru Gobernu Kontseiluaren abenduaren 26ko 890/2023 Erabakiaren bidez (maiatzaren 10eko ALHAOn argitaratua, 52. zk.), onetsi zen hala xedatzen duten Arabako kontzejuen eta foru aldundi honen artean administrazio elektronikoa kudeatzeko tresnak erabiltzeko sinatu beharreko lankidetza hitzarmenaren eredua. Lurralde historiko honetako zenbait toki erakundek adierazi dute interesa dutela azaldutako lankidetza hitzarmena foru aldundi honekin formalizatzeko.

Sektore Publikoaren Araubide Juridikoaren urriaren 2ko 40/2015 Legearen 11.3 b) artikuluan xedatutakoa betez, jarraian zerrendatzen dira informatika arloan Arabako Foru Aldundiarekin lankidetza hitzarmena sinatu duten Arabako Lurralde Historikoko toki erakundeak. Hitzarmen horren edukia, azaldu den bezala, maiatzaren 10eko 52/2024 ALHAOn argitaratua da.

JUNTAS ADMINISTRATIVAS
EGINO
GEBARA
OTEO
ELOSU
GOMETXA
BURUAGA
BERGANZO
APERREGI
BERRICANO
LEZAMA
IZORIA

Vitoria-Gasteizen, 2024ko iraiaren 12an
Lurralde Oreka eta Lurralde Antolamenduaren Saileko foru diputatua
ANARTZ GORROTXATEGI ELORRIAGA